

平康府二縣

廣福縣 六十五社村坊。

新定縣 三總一屬。

延慶府三縣

福田縣 二十社。

永昌縣 七十社。

花洲縣 三總一屬。

三府在歸仁之南。盛德初。孝哲王遣兵伐占城。踰石碑山。虎揚嶺。馳至婆心王寨。縱火攻急破之。占城乞降。因取其地。自蟠朗江之東。立爲富安。泰康。延寧。三府。設泰康鎮守營。其後改泰康爲平康。延寧爲延慶。

平順府二縣

安福縣 一百五十社村坊。

和多縣 四十七社村坊。

在延慶之南。永治中。孝明王遣將伐占城。取其潘哩朝番以西之地。置爲是府。嘉定府二縣

福祿縣 新平縣

府在平順之南。孝明王復遣將伐高綿。取同泥肥饒之地。置爲是府。立鎮邊藩鎮二營。拓地千里。獲戶踰四萬。其後日就繁衍。財賦之盛。更優於廣南云。

按同泥地自芹蔴紫棍大小各海門入。全是林莽。幾千餘里。明王攻高綿得之。始招募廣南。莫盤廣義歸仁。有物力者徙居於此。伐剪開闢。盡歸平坦。水土肥沃。任民自占。植椰園結屋舍。又收買源頭諸蠻男女。使爲奴婢。自相昏配。產育。力田作業。以是致粟甚多。富有田產者。或四五十家。或二三十家。每家佃奴。或至五六十人。牛牢。或至二百餘。播植耕獲。汲汲不暇。歲十一月。常舂成米。賣取錢爲贖節用。正

卷五 地輿誌

諸道風土之別 廣南

卷五 地輿誌

緒道風土之別 河仙

月卽無餘春作。平時販入富春。以易北繡綵綾細緞衣服鮮華。罕有布素。其地多溪澗。水道如織。不可步行。富人有載大船。常人載一小船。以通諸港。自海門上源頭。行五六七日。盡是源野極目無際。其平曠如此。地最宜稻糯。皆白軟。粒類有名默拔粒。小而長。如錦紋最香。有名茹東粒。大而白。有名蒙西粒。圓白得飯多而堅。糯糧有名蠟法。粒大而長白香軟。有名蠟遠。粒長大軟膩。有名蠟炭。粒小而軟膩。有名蠟瓜。粒小如竹花香軟。有名蠟蠟。粟赤粒大。米白而香軟。各類皆五月播秧。七月下植。十月收穫。至正月方畢。二月作粟。其地多榔。語云粟一榔二。方民常不收。令自乾老。摘核售與北客。

安遠州

龍德初。孝明王遣將伐高綿。取柴棍之地。立爲定遠州。設龍湖營。

景興初。孝武王復遣阮居貞與善政侯再伐高綿。閱三年。招安順城岷蠻降衆。高綿主翁源走羅壁。獻其尋敦蓄臘二府。居貞受之。分兵接據。分畫封疆。使降衆集居。定遠州界復爲增廣。

河僊鎮

在嘉定府之南。與暹羅接壤。古屬荒陬。孝哲王時。有北國人鄭姓者來此墾闢。有部衆臣附於南朝。哲王授以總兵職。迨永祐丙辰。其子天錫襲封琮德侯。天錫有學問。招致文士。雅好詩章。作河仙十詠。描寫景致。風流才韻。一方稱重。詳見文籍誌其地日增蕃衍。生民安居耕植。風物繁華。商舶湊集。蓋亦海外之樂國也。右五府一州一鎮。俱屬近代新闢。從前未入職方。今特列載于後。而略述恢拓之由。以備考云。